

Ибратли оила – жамият кўрки



Танлов

Юқори Чирчиқ туманининг "Баҳор" маҳалласидаги Холмухамедовлар хонадонида санъат ва адабиётга меҳр қўйганлар истиқомат қилишади. Оила бошлиғи Жасур Холмухамедов расмом, аёли Наргиза, қизлари Паризода ва Шаҳризода кашта тикишади. Ўғиллари Шоҳжаҳон ва Нуруллахоннинг ҳам расмомчиликка қизиқиши баланд. Оила жамулжам бўлганда гап, албатта, адабиёт ва санъатга бориб тақалади.



4

Вилоят бўйлаб

О л м а л и қ
кон-металлургия комбинати қошида Хитой Халқ Республикасининг йирик компанияси билан ҳамкорликда қўшма корхона қурилишига старт берилди. Мазкур "Тог-кон машиналари учун эҳтиёт қисмлар ишлаб чиқариш" лойиҳасининг умумий қиймати 23 млн. доллар бўлиб, йиллик маҳсулот ишлаб чиқариш ҳажми 37,5 млн. долларни ташкил этади.



ТОШКЕНТ тумани ҳокими О. Рустамов япониялик тадбиркорлар билан учрашди. Мулоқотда туман ҳудудида юқори технологиялар асосида сифатли мебель маҳсулотлари ишлаб чиқаришга ихтисослашган завод қуриш борасида режа тузилди.



АНГРЕН шаҳри ҳокими А. Райимов "Ангрен" эркин иқтисодий зонасидаги янги лойиҳа – кафеъл ишлаб чиқаришга мўлжалланган заводда бўлди. Хусусий корхона масъуллари билан ишлаб чиқариш жараёни, маҳсулот сифати, ишчи-ҳодимларга яратилган шароитлар билан танишди.



ПИСКЕНТ туманидаги "Мингтепа" ҳамда Чиноз туманидаги "Бирлик" маҳаллаларининг ички йўллари таъмирлаш учун вилоят маҳаллий бюджетидан 4 миллиард 463 миллион сўмдан ортқ маблағ ажратилди.

Кунлар исий бошлагани сайин чанқовбосди ичимликларга талаб ортади. Сўнгги йилларда вилоятимизда салқин ичимликлар ишлаб чиқаришга ихтисослашган корхоналар кўпайган.

БОЗОРИ "ҚАЙНАЁТГАН" САЛҚИН ИЧИМЛИКЛАР

Тадбиркорлик



Хусусан, Юқори Чирчиқ туманида MAXI ORIGINAL GROUP МЧЖ фаолиятини бошлаганига 4 йил бўлди. Бу ерда салқин ичимликлар тайёрланади. – Асосий хом ашё Россиядан келтирилади, дейди корхона директори ўринбосари Айгерим Абдукаликowa. – Маҳсулотларимизга кимёвий моддалар қўшилмайди. Шу боис, инсон саломатлигига зарар қилмайди. МЧЖда кунига ўртача 70 тон-

на да н ортқ морс ва квас тайёрланади. Талабга қараб бу кўрсаткич ўзгариб туради. Қадоклаш учун идиш (баклажка)лар ҳам ўзимизда ишлаб чиқарилади. Маҳсулотимиз Ўзбекистоннинг барча ҳудудлари, шунингдек, Қозоғистон ва Қирғизистон бозорларига жўнатилади. Жорий йилнинг ўзида 62 минг АҚШ долларига тенг маҳсулотни экспорт қилишга эришдик. (Давоми 2-саҳифада) ▶

Қарздор ҳам, арздор ҳам орамизда

Назорат

Ҳеч кимга сир эмас, сўнгги пайтларда фойдаланилган иссиқлик, газ, электр энергияси ва сув учун тўловларнинг ўз вақтида амалга оширилмаётгани, бу эса иқтисодиёт тармоқлари фаолиятига салбий таъсир кўрсатаётгани хусусида кўп гапирилмоқда. Дарҳақиқат, аҳолини газ, электр энергияси

билан узлуксиз таъминлаш тўловларнинг ўз вақтида амалга оширилиши билан бевосита боғлиқ. Шу сабабли ҳам истеъмолчилар – хоҳ у юридик, хоҳ жисмоний шахс бўлсин, тўловларни ўз вақтида амалга ошириши, қарздорликнинг олдини олиш чора-тадбирларини кўриши лозим.

Давлатимиз раҳбари томонидан 2017 йил 23 майда имзоланган "Электр энергияси ва табиий газ етказиб бериш ҳамда истеъмол қилиш соҳасида тўлов интизомини янада мустаҳкамлаш, шунингдек, ижросини юритиш тизимини тубдан такомиллаштириш чора-тадбирлари тўғрисида"ги Фармон бу соҳадаги ишларни такомиллаштириш ва ташкил этишда асосий дастуриламал вази фасини ўтамоқда.

Айни кунларда Тошкент вилояти прокуратураси томонидан юзага келган қарздорликларни бартараф этиш бўйича муайян ишлар амалга оширилмоқда. Хусусан, аҳоли зич яшайдиган



маҳалла ва кўп қаватли уйларда маҳалла ва кўп қаватли уйларда энергия ресурсларидан фойдаланишда юзага келган муаммоларга ечим топиш ҳамда бюджет тушумларининг оширилиши устидан тизимли назорат ўрнатиш,

мавжуд масалалар ижросини сифатли таъминлаш борасида кўрилган зарур чора-тадбирлар шулар жумласидандир.

(Давоми 2-саҳифада) ▶

Самарали келишувлар, фойдали мулоқотлар

Ҳамкорлик



Аввал хабар берганимиздек, Тошкент вилояти ҳокими Зойир Мирзаев бошчилигидаги делегация Россия Федерациясида бўлиб турибди. Вилоят ҳокими ташриф доирасида Татаристон Республикаси пойтахти Қозон шаҳридаги "Россия-Ислон дунёси: Казан Форум – 2024" 15-Халқаро иқтисодий форумида иштирок этди.

Делегациямиз аъзолари Қозон шаҳридаги жарроҳлик ускуналари ишлаб чиқарувчи корхона фаолияти билан танишишди. Шунингдек, мазкур корхона филиалини Тошкент вилоятида очиш бўйича дастлабки келишувга эришилди. Куннинг иккинчи ярмида эса режага кўра маҳаллий тадбиркорлар билан музокаралар ўтказилди.

Ташриф доирасида Татаристон Экология ва табиат ресурслари вазири Александр Шадриков билан ҳам учрашув бўлди. Унда экологик муаммоларни бартараф этиш юзасидан тажриба алмашиш, хусусан, чиқиндиларни қайта ишлаш бўйича ҳамкорлик қилиш таклифи муҳокама қилинди.

Шундан сўнг, делегациямиз "Nefis" парфюмерия корхонаси,

"ICL" электроника маҳсулотлари ишлаб чиқарувчи завод фаолияти билан ҳам танишишди.

Ташриф режасига киритилган Тошкент вилоятининг салоҳиятига бағишланган расмий тақдимот эса "Ҳалол экспорт-2024" Халқаро форумига уланиб кетди.

Тадбирда Савдо-саноат палатаси вилоят бўлими раиси Абдурасул Абдухалилов, "Чирчиқ" индустриал зонаси раҳбари Жаҳонгир Абдураҳмонов Тошкент вилоятида бизнес бошлаш учун яратилган имкониятлар ва ҳудуднинг иқтисодий салоҳияти ҳақида тушунтириш беришди.

Айни кунларда делегациямиз аъзолари инвестициявий мулоқотлар ўтказиш мақсадида Бошқирдистон пойтахти Уфа шаҳрида бўлиб туришди.

Тошкент вилояти ҳокимлиги Ахборот хизмати

ЁМОН КЎРИШГА АРЗИМАЙДИГАН ОДАМ

ёхуд Шароф Бошбековнинг сўнгги суҳбати

...Меҳмонга борганимизда, бегоналар олдида ўзимизни ҳар томонлама мукамал одамдай тутамиз, яъни ниқобда бўламиз. Ваҳоланки, унчалик дуруст одам эмаслигимизни ўзимиз жуда яхши биламиз. Ниқоблар заруратга қараб ҳар хил бўлади: уйда "эр", "ота" деган ниқоб тақсак, кўча-кўйда "маданиятли одам", ишхонада "ҳодим" ёки "бошлиқ" номли ниқобни тақиб оламиз. Одам боласи ухлаган пайтидагина ниқобсиз қолади. Бу ҳол Умар Ҳайём тили билан айтганда "Йўқлуқ сандиғига тушамиз бир-бир" гача давом этади. 3

